



KEMENTERIAN PEMBANGUNAN WANITA,
KELUARGA DAN MASYARAKAT

SIARAN MEDIA

TOKOH WANITA DAN WANITA BERJAYA DIPELAWA UNTUK MEMOHON PROGRAM PERANTISAN KEPIMPINAN WANITA (PERANTIS)

PUTRAJAYA, 14 Jun – Menyedari kepentingan penglibatan wanita dalam kepimpinan, YAB Perdana Menteri telah mengumumkan inisiatif sebanyak RM5 juta bagi memperkasa kepimpinan wanita melalui bimbingan tokoh wanita berjaya sempena Sambutan Hari Wanita Antarabangsa pada 8 Mac 2024. Menyambut baik pengumuman tersebut, Kementerian Pembangunan Wanita, Keluarga dan Masyarakat (KPWKM) telah memperkenalkan Program Perantisan Kepimpinan Wanita (PERANTIS).

Antara objektif program ini ialah melahirkan lebih ramai pemimpin dalam kalangan wanita terutamanya di peringkat pembuat keputusan yang mampu untuk memimpin masyarakat ke arah negara maju dan berdaya saing. PERANTIS juga berfungsi sebagai platform perkongsian ilmu dan kepakaran. Seterusnya mengukuhkan jaringan kerjasama dalam kalangan pemimpin wanita dan pemimpin pelapis/bakat wanita. PERANTIS memberi keutamaan kepada pembangunan kemahiran kepimpinan wanita dalam bidang ekonomi, politik, sosial, perundangan, pendidikan, kesihatan, keselamatan, kesejahteraan dan lain-lain bidang profesional yang bersesuaian.

Tokoh wanita dipelawa membuat permohonan, secara dalam talian melalui pautan yang disiarkan di laman web rasmi KPWKM dan Jabatan Pembangunan Wanita (JPW). Borang permohonan yang lengkap bersama

kertas cadangan pelaksanaan program juga boleh dihantar kepada pihak Urus Setia sama ada secara serahan tangan, pos, atau pun melalui e-mel. Tempoh permohonan bermula dari 10 sehingga 30 Jun 2024. Sebarang pertanyaan dan maklumat lanjut berkaitan PERANTIS boleh diajukan melalui urus setia PERANTIS iaitu Bahagian Penilaian, Pemantauan dan Pengurusan Pengetahuan, Jabatan Pembangunan Wanita (JPW) di nombor 038323 1616/1618/1620/1596 atau email bppp@jpw.gov.my.

Permohonan dan pemilihan PERANTIS adalah berdasarkan syarat-syarat asas peraturan yang telah ditetapkan. Garis panduan tatacara permohonan dan pelaksanaan PERANTIS boleh dirujuk melalui pautan <https://bit.ly/perantis>.

###

**UNIT KOMUNIKASI KORPORAT
KEMENTERIAN PEMBANGUNAN WANITA, KELUARGA DAN MASYARAKAT
14 JUN 2024**